

KUMPUAN
RAM LEH HNAM
HUMHALH

YMA

AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.33 12th Aug., 2012

Lei vung thenfai tum a ni

Chanmari West, 12 August : Pu Zosangliana 'T' Section in chhak lei tawlh mai thei chu Disaster Management Committee hmalaknain pahfai tum a ni. CM Bangla thlangah hian in sa an awm a, chu mite in sa chuan an lei vung chu an enkawl tha lo va, hei hi kan veng tan hian hlauawm takin a awm phah ta a ni.

Helai hmun hi nasa taka rawn tawlh mai thei dinhmunah a ding a. Hman deuh khan helai bawr vel hi a che mai thei turin a khi nasa tawh hle bawk, chhungkaw eng emaw zat tan chuan hlauhawm a ni a, inthiar chhuah hial a

ngaih phah a ni. Chanmari West Disaster Committee chuan helai thenfai dan tur hi an ngaihtuah a, estimate an siam a, sawrkarah an bawhzui a, tichuan sawrkar chuan helai lei vung pahna tur sum hi an rawn pe ta a ni.

Local Council

QUOTATION NOTICE

Aizawl Municipal Council Ward No. VI huam chhungah PPP Mode a Bawlhhlawh pahfai tur motor duh a ni a, kum khat (1) chhung Term tur a ni ang.

Motor (LPK chi) nei chuan an ngamna rate chiang taka ziakin chhan theih a ni a, tum khat (1) bawlhhlawh khawn leh pahfah Rs 1800/- (407 LPK) leh Rs 1200/- (Pick up) aia sang chu pawm theih loh nghal a ni.

Hemi thila hriattur pawimawh leh Terms & Conditions, Ward Committee in a siamte chu Local Council Member Secretary hnenah en/lak theih a ni e. Pick up motor hi Chanmari West

Local Councilin Tender an chhuah tum a, chhangtute chhanna zawng

Local Council area chhungah chauh hmanna tur a ni.

Motor nei dil duh chuan dil theih a ni a, dilna hi Ni 31.8.2012, Dar 1:00 PM thleng a hnuia hming ziak hnenah hian thehluh theih a ni a, hemi Ni Dar 2:00 PM ah Tender/Quotation hi hawn a ni ang.

Ward Committee-in Quotation dik lo leh famkim lo nia a ngaihte chu a hnawl nghal (Summarily rejected) thei ang.

zawng kha chu a thi vek tawh a, chhanna thar a ngai tawh ang.



Branch hnathawh kallai mek.

Pic - Mangheta Ralte

Branch News

Ni 8.8.2012 a Tuihna humhalh hawnna Vanapa Hall a neihah kan Branch aiawhin Tv Zairemmawia (Asst.Secretary), Pu VL Thakima (Exe Member) leh Pu Lalchhanhima (Exe Member) te an tel.

Kan Branch YMA Adviser Pu Rothuama (MCS), SDO (Sadar) a awm thar chu kan lawmpui hle.

Kan vengchhunga damdawi zuarte ruih thei chi damdawi zuar lo hram turin kan innge a ni.

Kan Branch YMA chanchinbu YMAAw latu ten a man kan pek tlak vek tawh avangin Branch Committee chuan lawmthu kan sawi.

CM Bangla thlang a leivung tawlh mai thei awm chu Disaster Management Committee hmalakna in pahfai tur a ni a, Sorkar lamah pawh engkim tihfel tawh a ni.

Voter ID Card Chhar

Lynda Lalmuanpui D/o Lalfakzuala (L) Chanmari West Voter ID Card chhar a ni a, a tibo chuan Branch Asst. Secy.Tv.Zairemmawia hnenah lam theih a ni e.

KEIMAHNI

YMA AW chhutna hmunah dawhkan thar pahnih, water filter, bucket, keyboard thar dah a ni.

Pu JK-a Crown Computer chuan keyboard leh cable man tlawm takin min lei tira, a chungah kan lawm hle. Kan Big boss Masangtea pawh YMA AW hman tur pendrive a pe bawk.

YMA AW chhutna hmuna min tawiawmtute chungah lawmthu kan sawi a, lo leng zel turin kan sawm a che u.

TUN KAR CHANGVAWN
Zirtirna chu vuan tlat la, chhuah suh; Vawng tlat rawh, i nunna a ni si a.

Thufingte 4:13

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinngetha	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalhmachhuana	9436151817

Branch Office Bearer

President	T. Ngurkhuma	9436190843
Vice President	R. Lalhmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Editorial :

Chhatriupna thleng thei chungchang hi kan ziak zing ta viau a, kan sawtpui ngei turah kan ngai. Inven theih ang ang inven hi kan bat a ni a, a lo thlen palh pawh a, ruahmanna fel tak hnuiaia chet hi kan tum tur a ni ang. Hetiang thil hi tuman kan duh hauh lo va, mahse, lo thleng lo thei lo a nihna chin a awm a ni.

Bawlhhlawh hi khawvel buaipui a ni a, kan veng pawh kan bang chuang lo. Tunah hian bawlhhlawh pah tur tender an ko a, kan veng tana tha tak thlang thei turah ngai ta ila. A thlawn ringawt a pah mai hi mipuite hian tum lo ila, kan chawi ve angai a nih pawhin kan tan a tangkai em avang hian phur takin thawhkhawm thei ila a duhawm hle a ni.

Veng chhung thieng-hlimna tur pakhat chu Uichhuah loh hi a ni. Ran tha tak ni mahse enkawl that a nih loh chuan mite an seh palh thei a, a ek an thlahdah thin bawk si a, chuvang chuan sawrkarin chhuah vah tir mai mai a khap a, sawrkars thu kan zawn ngei tur a ni ang.

Kan Branch YMA chuan kawngpui siamthat hna kan thawk a, mipuite hian tha taka thawk turin min beisei a, thawh kan tum ang a, chutihlaein mipuite pawhin tha taka min tawiawm a, a that theihna tura min pui tur leh min finchhuah turin kan ngen e.

Article :**LIRNGHING**

- Lalchhandama

LIRNGHING INVENNA LAM :

Tuman lirnghing hun an la sawi lawk dik thei lo. Sawi lawk theih ni lo mah se, a thlen theih miau si avang erawh chuan hmachhawn tura kan inpuahchah lawk a ngai thung.

Insak dawn in :

1. RCC building aiin Assam type leh Di in pangngaita hi an zan zawk avangin him zawk tura ngaih an ni.
2. RCC building chu a sakna hmun nghet tha, a foundation thuk leh zau zawng inang tlang, a ban leh beam len zawng, a chhuat thir phan dan, balu, rawra, cement that dan leh chawhpawlh dante leh tui pek zui dan, a san leh len zawngah Engineer-te ruahman leh rawn hreh lo a tha. Sum hmuuh belh avanga in sak tawh sa ruahmanna thar siam chawp a extend vak a tha ber lo.
3. Eng In pawh nise, a ban, beam, chhuat, bang, ceiling leh a chungte hi a inman khawm tha hle tur a ni.
4. Kawngka luchung/bangrel pheiah, dithlifarfem, bang leh ban bulthut leh inchhun zulin a kapna (bracing) siam tur. Hei hi seismic belt an ti ve mai bawk.
5. In sak mawlmang leh regular (e.g Square, Rectangle) thei ang a tha. In chungah sang filawr (e.g meikhuchhuah etc) awm lo, verandah thlawk chhuak thui lo leh in kikawi lo thei ang a tha bawk.
6. In zangkhai thei ang nise. In chungah tuizem rit lutuk dah loh nise.

In hui deuh tihngheh dan :

1. Brick bang a chim rup loh nan a cher nghettu tur a kapna (bracing) a dah a tha.
2. Kawngka luchung/bangrel pheiah, dithlifarfem, bang leh ban bulthut leh inchhun zulin a kapna (bracing)/ seismic belt siam tur.
3. RCC building ni loah chuan bangrel tinah angle iron hman a tha hle.

Inchhung lam inbuatsaihna :

1. Bungraw remin a rit rit a hnuai lama dah, a zang zang a chunglama dah thin tur. Chhuahna (Exit) pahnih tal siam nise; tlanchhuahna kal kawngah thil tlu leh tla hnawk theite dah loh nise.
2. Chhuar, almirah, TV, refrigerator etc. te chu bangah kilh beh thlap a tha hle. An chungah pawh thil rit dah loh tur.
3. Ei rawngbawlna bungbel pawh a hniam lam zelah dah a tha.
4. Thil alh duh chi khawnvartui, petrol, diesel

leh gas bur te hmunkhata dah khawm teuh loh leh tlu baw mai lo tura chhin phui that reng tur.

5. Damdawite chu chhuar kawngkhar neiah dah tur. (1967 a Koyna, Maharashtra lirnghingah khan First Aid pek tur awm lo khawpin damdawi a tla kehchhe hnem hle)

Lir nghin laiin :

1. Chiai buai mai lovin dam thlapin tihtur ngaihtuah zung zung ang che.
2. Hmun fala khawsa nih loh chuan in atangin pawng tlan chhuah ngawt loh tur. Thenawmte in chim, electric hrui/ban tlute leh leimin a hlauhawm tho a ni.
3. Bungrua tlu leh tla mai thei leh thil kang awlsam hnuiaiah leh bulah awm loh tur.
4. Dawhkan, thutthleng leh khum hnuiaiah emaw tawm a tha a, lu dah chhuaka hawikual loh tur a ni, kut khinghnhin lu khuh tur.
5. Tawm him hmain a theih chuan gas, electric leh tui pipe herh tawp vek a tha.
6. Pawna awm laia a nghin chuan:
 - a) building leh electric hrui leh ban bulah awm loh hram a tha.
 - b) kawtthlerah pawng tlan puat puat loh tur.
 - c) hmun fal engmah awmlohna pan vat tur.
 - d) lirthei khalhtu tan pawh khing khi zawn tur.

Lir nghin hnuah :

1. Hliam tuar leh vanduaina tawk te an awm em tih en chian a, hliam tuarte chu mahni thu a khawih sawn loh phawt tur.
2. Electric, gas leh tui supply leh kang thei thilte enfiah tur.
3. Damdawi bua ilo a awm chuan chin that tur.
4. Hri tha lo a len awl avangin tulium leh thlai hring, a nih loh pawhin a tin a mi ei nise.
5. Titi phungleng belhchian dawl lo vawrhdarh lova rin loh bawk tur.
6. Hmuhnawm thlirin lo tei hawi mai mai loh tur.
7. Chhanchhuaktu pawl lokalte lo puihbawm vat a, an kaihruaina chu zawn tur.
8. Lir a nghin zawh hnu hian vawi tam tak lir hnukhawi (after shock) a nghin fo thin avangin a theih anga ranga insingsak fel hma a tha hle.

2012 Thuvawn

I awmdan tur chu
LALPA chungah nghan
la; Amah chu ring la,
aman a ti vek ang.

VANAPA

» Kumin chhunga section project YMA thuthleng 50 aia tlem lo siam leh Dekchi lian 3 neih belh tum a ni a. Hemi atan hian section nu leh pate sum leh pai thawh duh an awm chuan section hravuitute hnenah emaw Phone No. 9436197506/9436195702 ah te hriattir theih a ni e. Thuthleng pakhat hi Rs 500/- man vel a ni. Tin, Memorial Gift atan pawh thawh theih reng a ni e.

» Inrinni Ni 18.8.2012 hian thuthleng thar siama hnatlan tur a ni a, hravuitute bakah Mistiri leh hravuit hluite thawk chhuak turin an insawm.

» Pu Lalmingiana (Hmingtea) chuan fanu thar duhawm tak an nei a, an lawmpui hle.

» Ni 9.8.2012 (Ninga) zan khan Tv Lalnunhlima (Valpuia) te inah section committee an thu.

» Section chhungah Ui leh Ar khawlaiah a tam leh ta hle mai a, a neitute'n mahni ran vulhte khuahkhirh theuh turin an inchah.

» Damlo-Pi Zoramthangi (Arami) w/o Pu RK Ramherliana leh Reuben s/o Pu RL Ngilneiate chu an dam thuai an duhsak hle.

» Ni 14. 8.2012 (Thawhleh) zanah sum tuak nan section chhungah Nimbu tui zawrh tum a ni a, hravuitute kim tak a kal turin an inhriattir a, chhungtinte tlawnngaia lo leisak theuh turin an ngen.

KHUANGCHERA

» Doordarshan Kendra (Aizawl)-ah Lengkawm Zai record tura inbuatsaihna ngawrh taka kalpui mek zel a ni a, Karleh Ninga zan leh Zirtawp zanah hian Pu Ramfangzauva (Marama) te Inah zir leh tur a ni ang. Nu leh pa leh nula tlangval, he lama tui mite hla rawn zir belh zel turin an insawm.

» Section Sumtuak nan lei laia inhlawh a ni a, hnatlanga chhuak zawng zawng chungah lawmthu an sawi.

» Pu Lalrinzuala'n hnatlang intur Squash a tum sak chu a chungah an lawm hle.

» Hla zir nan In phal taka hmantirtu Pi Zohmingliani w/o K. Lalengmawia (L) chhungkawte chungah lawmthu an sawi.

» Section mawng lama Zu khawih thin khan Hruavuitute chet hmaa lo tawp san turin an ngen a che.

CHAWNGBAWLA

» Ni 9.8.2012 (Ninga) zan khan section committee an thu a, thu pawimawh tak tak an rel.

» Section project tihlawhtlin tum mek a ni a, sum mamawhna a nasat deuh avangin section chhungah **sangha zuara sum tuak** tum a ni a, chhungtinte lo leisak turin an ngen. Ni 20.8.2012 ah sangha a thlen chuan zawrh chhuah tum a ni ang.

» Section Committee chuan project kalpui zel dan tur hetiang hian an rel:

1) Ni 22.9.2012 (Inrinni) ah Football 2nd Leg khelh tur a ni a,

2) Ni 2.11.2012 (Zirtawp) zanah Solo leh Beat Contest neih leh tur a ni. Solo leh Beat Contest-ah hian House tin atangin duh zah zah a tel theih ang.

3) YMA Chhang bik tan **Ni 25.8.2012 (Inrinni) hian Drawing Competition buatsaih a ni ang.** Age Group-a then tur a ni a, YMA Chhang member zawng zawngte tel vek turin an sawm.

4) Essay Competition pawh buatsaih thuai an tum a, member-te lo inbuatsaih turin an chah.

» Section chhunga Damdawi dawr neite mahni chhia leh tha hriatna hmanga Damdawi ruih theih chi (sorkar phal loh) te dan lova zuar lo turin an ngen a, hetiang zuar report a awm chuan na taka hma lak an tum tih an hriattir bawk.

» Pu R. Thansang kalsan tak a chhungte'n section-ah Puan 12 an pe a, an lawm hle.

» Section chhungah ui khuahkhirh loh a tam hle a, sawrkars dan dinglai behchhanin, ui khawlaia vakte hi vai an tum a. Hemi hma ngei hian ui vulhte chuan mahni ui vulhte khuahkhirh turin an hriattir.

TAITESENA

» Ni 10.8.2012 (Zirtawp) zingkarah khan balu thiarin sumtuak hnatlang an nei a, member thawk chhuak zawng zawngte chungah lawmthu an sawi. Tin, inhlawhna siamsaktu Pu Ramtharngkha Chanmari-te chhungkaw chungah an lawm hle.

» Chhungtinte mahni in leh a vel vawng fai turin an inchah nawn leh a, kawngpui kam leh step bula awmte'n mahni in bul leh side drain-te tifai thin turin an inngen.

» An Committee member Tv. Vanlalhriata ke na chu a dam leh thuai an duhsak hle.

NEUVA

» Ni 4.8.2012 tlai khan Pu Lalmangaiha (Lalhma-a) damlo chu Section hminga kan a ni.

» Ni 4.8.2012 nileng khan thuthleng siam a hnatlang a ni a, Zuang tuikhur chhakak Thing 8 (Pariat) phun nghan bawk a ni.

» Middle School compound leh thlanmuual hlui a Ruihtheih thil ti thin te kha sim vat tur a hriattir in ni a, in ti lui leh a nih chuan in hming tarlan a ni ang.

MHIP

» Ni 30.7.2012 (thawhlehni) a Executive Committee chuan MHIP Building hnuai sak chhunzawm a rel a, hemi atana thingzai ngai zat leh tul tur min enpui turin Pu Lianphunga Sailo leh Pu Malsawma Chhinte Neuva Section sawm an ni a, tlawnmgaih chhuaha kan sawmna min ngaih pawimawh sak avangin lawmthu kan sawi tak meuh a ni.

» Ni 4.8.2012 (inrinni) khan Executive committee member-te thingzai thiara hnatlang neih a ni a, eng emaw zat thawhchhuah a ni. hnatlanga chhuakte thahnem an ngai tlangin an phur tlang hle a ni. Hun remchang hmasa berah hnatlang koh leh tum a ni.

» Building sak chhunzawmna turah sum neihsa a tam vak loh avangin tlawnngaia sumthawh thei/tanpui duhete kan awm chuan Chanmari West MHIP chuan a dawng thei reng bawk a ni.

Thlanmuual Sub-Committee

» Kuang hi YMA Zawlukah dah a ni a. Kuang tuamna puan pawh kuang chhungah dah tel vek a ni a, Section tinah kuang tuamna hi sem a ni tawh hrih lovang.

» Tlangvalte'n vengchhungah chhiattawk an awmin thlanlaih hi kan tihtur a ni tih hriain thlanmuual lam panin a tam thei ang ber kal tum theuh ang u.

NGENNA

YMA AW Editorial Board chuan kumin chhunga YMA AW semtute hnenah lawmthu sawina thil pek kan duh a, Section hrang hrang Secretary ten YMA AW Editorial Board memberte hnenah a semtute hming tun thla chhunga thehlut turin kan ngen e.

CHANMARI WEST H/S NEWS
 ☞ Kum 2012-2014 chhung atana Chanmari West High School Managing Committee turin a hnuia mite hi Education Dept pawmpuinnaa ruat an ni.

Chairman - F. Zosanga
 Secretary - Lalfela Rawite
 Members-
 1) C. Sangkhuma
 2) Dr Hmingthanzuala
 3) C. Lalmuanpuia
 4) H. Lalchungnunga
 5) HVL Zarzoenga
 6) Lalianzauva
 7) R. Lalhmachhuana
 8) Ngurtluanga

TEACHERS UNION

Chanmari West Local Council kaihhruainain Kum 2012-2014 chhung atana Chanmari West School Teachers Union hruaitu thlan a ni a, Office Bearers te:

Chairman - Pu Lalfela Rawite
 V.Chairman - Pu H. Biakchhunga
 Secretary - Pu Lalrinliana (Tea)
 Asst Secy - Pu Lalvuna
 Treasurer - Pi Vanlalthangi
 Fin. Secy - Pu Lalthankima

ZOFA

☞ Club T-shirt thar mawi tak siam a ni a, member la lei lo te'n Secy Pu Hlutea hnen atangin Rs 150/- in lei theih a ni e.

☞ Kolasib-a Song & Drama programme nei turin an inbuatsaik mek.

HRIATTIRNA

Sawkar dan dinglai angin Chawngbawla Section huam chhungah Ui chhuah phal a ni lo, Vawiin tlai dar 4:00-ah hian ui chhuak vai turin Section Committee member mipa zawng chu Kawipuiah kal khawm tur a ni. Ui chhuak man a awm chuan Local Council hnenah hlan a ni ang.

CHESTER ENTERPRISE

Vaivakawn (Near SBI, ATM Booth) Xerox, DTP, Passport Photo, Lamination, Spiral Binding, Self Ink Seal, Banner, Signboard etc. T-Shirt Printing, Jersey Number leh Hming Chhut (All Kinds of Silkscreen Printing)

Chhiat Ni leh Thatniah thla la tura koh theih reng kan ni e.

Hriata (Neuva Section)

Phone No. 9774399056,
 (3-3) 9856606722

C W S C

☞ Sporting Club Executive Committee chu Ni 14.8.2012 (Thawlehl) zanah Pu Zonunsanga te inah thukhawm tur a ni a, hruaitute hun remchang lo insiam turin an inhriattir.

☞ President Pu H. Lalramhluna chu Aizawl District Sport Committee-ah Assistant Secretary-ah thlan a ni.

VOLLEYBALL MANAGING BOARD

☞ CWSC Volleyball II Div Team-te chuan Ni 9.8.2012 (Ninga) khan Alex Volleyball Club (Rangvamual) chu 3-1 in an hneh lo va, II Div Player-te hi naupang te te an ni a, hmabak eng tak an la nei a, an khelh danah hruaitute an lawm hle, chawl mai lova practise chhunzawm zel turin an innge.

☞ Sum tuak nan sangha veng chhungah zawrh a ni a, tlawmngaia lo leisaktute zawng zawng chungah lawmthu an sawi.

☞ Ni 14.8.2012 (Thawlehl) hian I Div Team te chuan an game hmasa ber ah 2nd IR nen Tuikual Indoor Stadium-ah an khel dawn a, veng mipuite tawiawm turin an sawm.

FOOTBALL MANAGING BOARD

☞ Sunday tlaiah hian rokhawlha a awm loh chuan Football Managing Board thukhawm koh tum a ni.

☞ Hruaitute mahni Section theuhah Donation khawn chhunzawm zel turin an innge.

☞ III Division Registered Player te Thawhtan zing dar 6:30-ah High Field-ah Practice tan tur a ni a, kim taka kal theuh turin an inhriattir.

☞ I Division Season Opening Tournament August ni 21 atanga neih turah inbuatsaikna kalpui mek a ni a, Football Team tana thilpek pe duh tan pek theih reng a ni.

SKYNET SKYNET

SHOP OPENING DISCOUNT

SKYNET COMPUTER

OPP. HB MOTORS CHANMARI kawnah discount mek a ni e. FULL SET Rs. 19000 atangin duhthlan tur a awm. 8GB PENDRIVE A FREE- a pek anni bawk ang. Computer leh a kaihnawih sevice kan ti thei vekin discount kan lo pe bawk ang che u, min rawn pan ve teh.

Tesanga

(1-3) 9862310857

S M S

SMS thawnna tur : 9862358337.

☞ Zan rei hnuia kawipuia ui awm, bauh vak vak thinte hi a neitute'n khuahkhirh thei se ava tha ve, mi a ti mu thei lo thin alawm le.

9436353670

☞ Vanapa Section chuan hnuai lama vawk vultu khan i vawk in leh vawk te kha tifai ve thin teh, thenawmte tan an rimchhe lutuk tlat.

8974721927

☞ Kan veng chhunga Section pakhat In chu Playing Card leh Carrom board Zirna In a ni ber e, chhun leh zanah an thukhawm reng mai, ava mawi lo ve.

8794552561

☞ YMAAW chhutna hmun hi mumal takin kan nei ta lo em ni? Mizoram veng lian pawl inchhal ve si, nge kan hruaitute hian an ngai pawimawh lo zawk?

8731964898

(YMA Buk, T-sect hi a ni e, engemaw remchanna avang erawh chuan kan insawn leh zauh thin, min lo hrethiam teh u)

☞ Khawvel hi inbumna a ni tih hria la, hringnun pawh hi lemchanna a ni tih hre reng rawh. Tunah i hlim viau a ni h chuan lungngai turin inbuatsaik rawh. A chhan chu, khawvelah hian hlimni awm mahse lungngai taka awm hun alo thleng thin si a. Chumi hunah chuan Kohhran leh YMA bak hmangaihu i nei lo vang.

Alabaster Lehchhun

☞ Vanapa section-a zurui thin, zan rei hnuia mahni in chhunga buaina siam thin khan thenawmte tan pawh bengchheng i siam tel tih lo inre teh, a changkan loh thlak tlat, i ruih pawn bengchheng siam kher tawh suh.

9436350742

SMS kan dawnte hi Editorial Board ngaihdan a ni vek kher lo.

THINGZAI DUH TAN

RH. FURNITURE
 CHANMARI WEST
 CH - SECTION-AH ENGTIK
 LAI PAWHIN THINGZAI THA
 TAK TAK LEI TURA AWM
 TAE.

Contact : 0389-2344131

9612166482

Proprietor

K. Lalthakima

(2-3) Chawngbawla Section.